

**Parisimi-isumaqatigiisummi nunatut nangaanartoqartitsinerup  
atorunnaarsinneqarnissaanut tusarniaaneq pillugu.**

Kalaallit Nunaanni Sulisitsisut qulaani taaneqartumut tusarniummut tigusaqarnitsinnik aammalu tusarniummut akissuteqarnissamut periarfissinneqarnitsinnik, kiisalu Naalakkersuisoqarfimmut ulloq 16/2 tusarniuteqarnmut itinerusumik ataatsimeeqataanissamut aggersarneqarnitsinnut qujavugut.

Aallaqqaasiutigalugu oqaatigineqassaaq, una tusarniaanermut akissutigineqartoq tusarniummut namminermut kiisalu Naalakkersuisut isumaqatigiisummut ilanngunnissamik aalajangerneranut atatigullugu Inatsisartunut ilisimatitsissutigineqarsimasoq tunniunneqarsimasumut, kingusinnerusukkullu Naalakkersuisut quppersangaani tamanut saqqummiunneqartumut najoqqutassanit aallaaveqarmat.

Kalaallit Nunaanni Sulisitsisut silap pissusiata allanngoriartornerata kingaallatsinnissaanut tungaviusumik suliniutinut soorunalimi tapersersuipput aamma nammineeirluta misigisimavarput ilaasortatta qorsummut ikaarsaarnermut tapiissuteqarsinnaanermik annertuumik tapersersuisuusut. Aammattaaq kalaallit suliffeqarfii amerlasuut toqqaannartumik pinngortitatsinnik inuussuteqartuupput aammalu taamaattumik paarilluarneqarnissaanik soqutigisaqartorujussuupput. Ullumikkut nukissiutinik atuinitta 80%-ia orsussaminngaaneersuuvoq, tamatumalu appartinniarnarani nunatsinni tamarmi inuussutissarsiornermik ineriartornerup sinaakkutissaanik qulakkeerinnissinnaagutta tungaviusumik Kalaallit Nunaanni Sulisitsisut tapersersuipput.

Kalaallit Nunaata nunat allat assigalugit CO<sub>2</sub>-aniatinneqarnerata annikillisarnissaanut pisussaaffilersornera nersugassaavoq, takusinnaasarpullu malillugu NDC-it imarisassaasa namminiivilluta aalajangersarnissaanut annertuumik eqaassuseqarsinnaaneq pitsaasuvoq. Kalaallit Nunnaanni Sulisitsisut suliassamut tassunga akuutinneqarnissaq qilanaarivaat aamma suliaq aallarteriarpit tapiissuteqarnissatsinnut.

Naak pisarnek nalignnaasoq malillugu atortussaangortitserernerup NDC-inik aalajangersaasoqartaraluartoq, Kalaallit Nunaanni najugaqariusitta allakajaajunerata, nunanut allanut sanillersuukkuminaatsippaa. Parisimi-isumaqatigiisummi ersarissumik allassimasoqanngilaq, I-landitut imaluunni U-landitut uagut ilaatinneqassanersugut, tamannalu uatsinnut pisussaaffilersornitsinnut pingaarutilimmik allaanerussutaassaammat. Tamannalu tungavingalugu Kalaallit Nunaani Sulisitsisut sulii ernumassutigivaa, maannakkumut pisarialinnik kingunerisinnaasaasa nalilersorneqarnerinik suliaqarsimatinnani isumaqatigiisummut ilanngunnissamik toqqaaneq. Killormoortutummi isikkoqarpoq aalajangernerup *kingorna* paasissutissanik pisarialinnik toqqammavissanik pissarsiorneq, uffa nunat allat taamaatut iliorsimasut.

Naalakkersuisut CO<sub>2</sub>-annikillilernissaanut aamma inuussutissarsiutinik inerisaanermut oqimaqatigiissaarneqarnissaata qulakkeernissaanut atatillugu unammilligassat qulaajarsimavat? Qanoq ililluta sinerissami inoqarfinni minnerusuni, ataavartumik nukissiuteqarnermut atuisinnaanissamut imaaliillaannaq aqquutissiuunneqarsinnaanngitsumut ineriartortitsineq sillimaffigissavarput? Isaatitsivitta pingaarnersaata, aalisarnerup ineriartortuarnissaanut tungatillugu suut eqqarsaatersuutigineqarsimappat? Isumaqatigiisutip ataani

aatsitassarsiornerup ineriartortittuarnissaamut suut periarfissaraagut? Mittarfissarsuarnut takornarissat amerlinissaanik neriuuteqarnitta malitsigisaanik Co<sub>2</sub>-aniatitsinitsinnut qanoq sunniuteqassava? Qanoriliortoqassava, paasinarsissangaluarpat. Inuussutissarsiornermut periarfissaasunut killigitaasup, Parisimi-isumaqatigiissutip siunertaa malinnagu qaffasippallaamik inissinneqarpat? Suna tunngavilersuutigalugu isumaqartoqarpa, Parisimut-isumaqatigiissummut ilaalernerup nunatsinnut aningaasanik nutaanik isaatitsissutaanissaanut?

Kalaallit Nunaanni Sulisitsisut paasinninnerat malillugu qulaani taaneqartut massakkumuungallartoq tunngavissaqartitsinngillat aamma taamaattumik massakkuungallartoq aalajangiiffigiuminaatsipparput Parisimi-isumaqatigiissummut ilanngunneq pitsaasuunersoq imaluunnit ajortuunersoq.

Taamaattumillu Naalakkersuisut kaammattorumavagut qulaajaanerit eqqartorneqartut allarteqqaaqqullugit aammalu inerniliinerit tassunga tunngasut utaqqqaaqqullugit, isumaqatigiissut atuutilerneqarnissaanut siunnersuummik, kingunerisassaanik ilisimanngisatsinnik, saqqummiussinnginnermi.

Inussiarnersumik inuulluaqqusillunga

Astrid Maria Spring Öberg | Kalaallit Nunaani Sulisitsisut